

開放文學 – 歷代筆記 – 夷堅丁志 卷第十二

龔丕顯 上饒龔丕顯·紹興十七年·得鄉貢·明年省試後·夢入大官局·立廷下·與其徒數百人·皆著白袍居西邊·王者坐於上·吏一一呼名訖·引居東·其宗人滂亦預選·丕顯隨呼且東矣·判官趨升殿·有所白·旋下·入東廊·抱文書巨沓而上·揭以示王·王翻閱移時·連頷首·判官復下·卻挽使西·慍而痛·愜然不樂·是年下第·滂獨登科·丕顯知夢已驗·但不曉坐何事嬰罰·自是無進取意·蹭蹬恰一紀·用免舉到省·乃獲正奏名·既廷試·喜曰·事畢矣·尚以唱名繫念·又夢適曠野·徘徊行立·望神人冉冉由雲端下·顧已曰·汝欲見及第飭乎·出袖中小軸·展示之·乃黃牒也·其前大書龔丕顯三字·又細書曰·為不合爭論婚姻事·展十二年·驚起·具語所親曰·不善事不可為·頃時鄉里有失行婦人與惡子通者·吾之甥聞而訐之·惡子懼·與婦人約·急納幣結昏·吾甥亦強委禽焉·惡子不能平·訟於官·甥謁吾求援·吾與為道地·竟得妻·一時良以為得策·不謂陰譴分明乃如是·悔之何及也·丕顯為餘乾尉·竟不達而卒·

遜長老

李似之侍郎彌遜為臨川守·以父少師公忌日·往疏山設僧供·與長老行滿共飯·滿年八十餘矣·飯且竟·熟睨李曰·公乃遜老乎·李不應·左右皆愕·俄又曰·此老僧同門兄也·名上下二字·皆與公同·自聞公出守·固已疑之·今日察公言笑動作精采容貌·了不見少異·公其後身·復何疑·李扣其以何年終·則元祐戊辰·正李初生之歲也·李亦感異·還家揭燕寢·曰小雲堂·而賦詩曰·老子何因一念差·肯將簪紱換袈裟·同參尚有滿兄在·異世猶將遜老誇·結習未忘能作舞·因緣那得見拈花·卻修淨業尋來路·澹泊如今居士家·李初命名時·固得於夢兆·甲志載之矣·

王寓判玉堂

九江人王寓·政和間·為洪州進賢主簿·將受代·(原闕一葉)□□子春語之曰·是為爛緣血風·我有一藥可治此·名曰二百味草花膏·病者驚曰·用藥品如是·世上方書所未有·豈易遽辦·君直相戲耳·趙曰·我適有見藥·當以與君·明日攜一錢匕至·堅凝成膏·使以匙抄少許入口·一日淚止·二日腫消·三日痛定·豁然而癒·乃往謁趙致謝·且扣其名物·笑曰·只是用一羯羊膽·去其油脂·而滿填好蜜拌勻·勻之候乾·則入鉢研細為膏·以蜂彩百花·羊食百草·故隱其名以眩人云·或云亦有它方證載雲·

汀民咒詛獄

汀州民聶氏·與某氏為詛·久之兩家數十口相繼死·唯聶氏子慶獨存·從長老法海·住南岩寺·三年·海遷天寧·慶與之俱·中途遇瘴疾·死而復甦·語海曰·似夢中見五人來·相逮甚遽·雲追汝久矣·汝在南岩·吾不敢進·今須汝往圓案也·驅逐疾行·慶皇懼念佛乞哀救·至麻潭渡·遇白衣岩主於道·五人俯伏屏息·岩主告之曰·不必慶·送死者唯此木耳·汝為我子·何忍見奪耶·翟圭遣軍校張有部役夫方欲遣挽·木從山自滾下·其末斷折丈許·見者異焉·四月初·溫在田蒔稻·忽大風雨作·雷擊僕於地·其身由鼻准中分·右畔如火所煎·煙色鬱鬱然·左畔半體仍舊·而不死·今母子皆存·翟圭說

鄭安子孫缺

內文缺

溫大賈木缺

內文缺

陳十四父子

贛州興國縣村民陳十四·事母極不孝·嘗因鄰人忿爭·密與妻謀·牽其母使出門·母久病瘖且老不能堪·粹拽顛仆·至於死·遂告於縣·誣雲為鄰所毆殺·里巷及其妹共證為不然·縣執陳係獄·未及正刑而斃·時幹道六年也·後三年·陳妻度溪視女·遭震雷擊死於水中·厥子聞之·奔至溪旁·彩長藤入水纏母屍·挽而上之·岸上人勸以身負·不肯聽·雷復震一聲·亦擊死·其家遂絕·知縣穆淮說

西津亭詞

葉少蘊左丞·初登第·調潤州丹徒尉·郡守器重之·俾檢察徵稅之出入·務亭在西津上·葉嘗以休日往·與監官並欄杆立·望江中有彩舫·儵亭而南·滿載皆婦女·嬉笑自若·謂為貴富家人·方趨避之·舫已泊岸·十許輩袿服而登·徑詣亭上·問小史曰·葉學士安在·幸為入白·葉不得已出見之·皆再拜致詞曰·學士傷聲滿江表·妾輩乃真州妓也·常願一侍尊俎·愜平生心·而身隸樂籍·儀真過客如雲·無時不開宴·望頃刻之適不可得·今日太守私忌·郡官皆不會集·故相約絕江此來·殆天與其幸也·葉慰謝·命之坐·同官謀取酒與飲·則又起言·不度鄙賤·輒草具肴醢自隨·敢以一杯為公壽·願得公妙語持歸·誇示淮人·為無窮光榮·志願足矣·願從奴擊楫而上·饌品皆精潔·迭起歌舞·酒數行·其魁奉花箋以請·葉命筆立成·不加點竄·即今所傳賀新郎詞也·其詞曰·睡起聞鶯語·點蒼苔籬櫳畫掩·亂紅無數·吹盡殘花無人見·唯有垂楊自舞·漸暖靄初回輕暑·寶扇重尋明月影·暗塵侵尚有乘鸞女·驚舊恨·鎮如許·江南夢斷橫江渚·浪黏天蒲陶漲淥·半空煙雨·無限樓前滄波意·誰彩蘋花寄取·但恨望蘭舟容與·萬里雲帆何時到·送孤鴻日斷千山阻·重為我·唱金縷·卒章蓋紀實也·此詞膾炙人口·配坡公乳燕華屋之作·而葉公自以為非其絕唱·人亦罕知其事雲·葉晦叔說

吉搗之妻

岳州平江令吉搗之·唐州湖陽人·初娶王氏·樞密倫女第也·既亡·復娶同郡張氏·居於長沙·張氏生女數日·得危疾·醫不能治·其母深憂之·邀巫媼測視·雲王氏立於前·作祟甚劇·命設位禱解·許以醮饑·不肯去·巫語搗之·曰·必得長官效人間夫婦決絕寫離書與之·乃可脫·搗之不忍從·張日加困篤·不得已灑淚握筆·書以授巫·即雜紙錢焚付之·巫曰·婦人執書展讀竟·慟哭而出矣·張果愈·生人休死妻·古未聞也·張與予室為同堂姊妹·今尚存·

胡生妻

尉氏縣富家子胡生·再娶張氏女·頗姊·胡嬖一尼·畜於外甚久·張知之·呼其夫歸·責怒猝挽·至欲以妒灰瞋其目·胡脫手走·曰·寧痛極我·此豈得然·張益怒·自投於廷·輾轉咆擲·時有娠越八月矣·困劇間在地昏睡·夢胡之前妻來·曰·彼乃我夫·汝安得輒據·吾今殺汝兒·即舉拳築其腹·悸而寤·始道所見·扶痛入室·已不可堪·所居去縣四十里·亟呼乳醫·醫未至·胞墮地而死·

謝眼妖術

謝眼者·贛州寧都人·一目眇而有妙術·嘗與客坐村店·遙望數婦人·著新衣出遊戲·謂客曰·彼方袿服·吾必使之跣行·袖手良久·諸人果裴回窘撓·皆脫履襪·牽衣而過·既至前·問其故·曰·沮洳被徑·殊為妨人·謝笑命反顧·則坦途自若也·一小兒負餅餌兩畚·隨其母歸外家·謝就求之·兒不可·即取青竹篾一條·密置後畚·兒覺擔頗重·行稍遲·母屢待之·俄而偏重不能舉·怪而發幕·但見小青蛇滿其中·大懼悉棄之·又有民挈豬頭以過者·謝曰·吾能得此以侑觴·默誦咒數十言·民行至山下·訝血臭·視之·已變為人首矣·怖而走·謝徐取以歸·與客煮食·每入酒家飲·無敢不致敬·或待遇小不愜·則拋擲葦杖而出·便有蛇出地上·酒徒皆避席·由是鄉里畏事之·後年老病悴以死·其後亦絕·陳熙說

薛士隆

薛士隆季宣家·既遭九聖之異·其後稱神物降其居者·尚連年不絕·幹道癸巳歲·自吳興守解印歸永嘉·得痔疾·為庸醫以毒

藥攻之·遂熏烝至斃·死之數日·其子沘·病中·聞若有誦禪氏所謂偈者·其語雲·議著即差·擬著即錯·挑起杖頭·將錯就錯·魚鳥飛沉·各由至樂·要知樂處·無夢無覺·吁亦異矣·士隆學無所不通·見地尤高明淵粹剛正而有識·方向用於時·年財四十而至此極·善類咸嗟惜焉·官止通直郎·待常州關·不及赴·

洞庭走沙

謝巽與權·幹道七年十一月·自澧州守受代·與其孥陸行·抵巴陵·舍餘岳陽樓·凡輜重之屬悉置兩大舟·又空一舟·規以自載·涉重湖·後三日乃至岳·是日岳守王習·為具·招之宴郡齋·舟方西來·司法呂棐·官舍在樓側·當冬至節假·乘間率妻妾登坡上·縱目遙望湖心·有黑物甚長·乍出乍沒·尾三舟而下·初以為龍·士人曰·是名走沙·江湖中雖有之·而不常見也·良久抵岸·謝亦還·遂乘舟去·呂復觀焉·黑物隨之如初·既行三十里·至九龍浦·欲赴道人磯宿·泊沙忽猛漲成圍·漸東及舡半·篙師大恐·入白謝·請急出避·遽呼家人·由沙上跳登岸·少頃·一巨鼃升舟·其身長闊丈餘·以首並足·盡力壓舟頂·重載者皆平沉入水·獨所乘輕者無恙·其生生之具·並衾幃裘褐盡沒·暮寒方厲·遣信假衣衾於王守·王令道人磯巡檢·募兵卒善沒者下拯之·水深不可測·橈竿高數丈·猶不見表·知無可奈何乃止·一家亦僅脫死·危矣哉·呂棐說

淮陰人

紹興三十一年·浦城葉榮良貴·為淮陰邑令·士人有死三日而活者·雲被追入冥至官府·追者引從東廂過·見儀仗列屋·皆萬乘所用·異之·不敢問·既立廷下·主者曰·汝未合死·宜亟還·遂由西廂出·所見如初·方扣其人此何用·答曰·府君將迎新天子·故排比乘輿法物耳·及門而寤·他日以告葉·葉戒使勿敢言·明年·皇上登極·乃印其事·

淮陰民女

淮陰小民喪其女·經寒食節·欲作佛事薦嚴·而無以為資·母截發鬻之·得六百錢·出街將尋僧·值五人過門·迎揖作禮·告其故·皆轉相推避·良久一僧始留·曰·今日不攜經文行·能自往假借否·婦人遍訪諸鄰·得金光明經一部以授僧·方展卷啟白·婦人涕淚如雨·僧惻然曰·不謂汝悲痛若此·吾當就市澡浴以來·為汝盡心·既至·潔誠持誦·具疏回向畢·乃授錢歸·遇向同行四人者於茶肆·扣其所得·邀與共買酒·已就坐·未及舉杯·聞窗外女子呼聲·獨經僧起應之·泣曰·我乃彼家亡女也·淪滯冥路久·適蒙師課經精專之功·遂得超脫·閻王已飭令受生·文符悉具但未用印耳·師若飲酒破齋·則前功盡廢·實為可惜·能忍俟明日乎·僧大感懼·以語眾·皆悚然而退·亦紹興末年事也·

李婦食醋